

agus dà chlàr na fianuis 'na làimh: *bha* na clàir sgrìobhta air an dà thaobh; air an taobh so, agus air an taobh ud eile *bha* iad sgrìobhta.

16 Agus b'iad na clàir obair Dhé, agus *b'e* 'n sgrìobhadh sgrìobhadh Dhé, gearrta air na clàraibh.

17 Agus chuala Iosua toirm an t-sluaigh an uair a rinn iad gair^a, agus thubhairt e re Maois, *Tha* toirm chogaidh 'fa' champa.

18 Agus thubhairt e, Cha 'n e guth *dhaoine* a' deanamh gair air son na buadha, cha mhò *is e* guth *dhaoine* ag éigheach a chionn gu'n d'thugadh buaidh orra, *ach* toirm luchd gabhail ciuil a ta mi a' cluinntinn.

19 Agus co luath 'fa thàinig e 'm fagus do'n champa, chunnaic e 'n laogh, agus an dannsa: agus las corruich Mhaois, agus thilg e na clàir as a làimh, agus bbris e iad aig bun an t-sléibh.

20 Agus ghabh e 'n laogh a rinn iad, agus loisg e 'san teine *e*, agus mheil e gu smùr^b *e*, agus chrath e air an uisge *e*, agus thug e air cloinn Israeil òl *dheth*.

21 Agus thubhairt Maois re h-Aaron, Ciod a rinn an sluagh so ort, gu'n d'thug thu peacadh co mòr orra?

22 Agus thubhairt Aaron, Na lafadh fearg mo thighearna: is aithne dhuit an sluagh, gu'm bheil iad *so-aomaidh* a dh'ionnfuidh an uile.

23 Oir thubhairt iad rium, Dean dhuinn dée, a théid romhainn; oir a thaobh a' Mhaois

so, an duine a thug a mach finn a talamh na h-Eiphit, cha 'n fhios duinn ciod a thàinig air.

24 Agus thubhairt mi riu, Gach neach aig am bheil a' bheag a dh'òr, briseadh e dheth *e*: agus thug iad dhomh *e*, agus thilg mi 'san teine *e*, agus thàinig a mach an laogh so.

25 Agus an uair a chunnaic Maois gu'n *robh* an sluagh rùisgte^c (oir rùisg Aaron iad a chum an naire 'am measg an naimhde)

26 'An sin sheas Maois ann an geatadh^d a' champa, agus thubhairt e, Cò tha leis an Tighearna? *thigeadh e* m'ionnfuidhsa. Agus chruinnich mic Lebhi uile d'a ionnfuidh.

27 Agus thubhairt e riu, Mar so tha 'n Tighearna Dia Israeil ag ràdh, Cuireadh gach duine agaibh a chladhcamh air a leis^e, agus rachaibh a steach agus a mach o gheata gu geatadh air feadh a' champa, agus marbhadh gach duine agaibh a bhràthair, agus gach duine a chompanach, agus gach duine a choimhearfnach.

28 Agus rinn clann Lebhi a réir focail Mhaois: agus thuit do'n t-sluaigh 'san là sin mu thimchioll thri mìle fear.

29 Oir thubhairt Maois, Coisrigibh sibh féin an diugh do'n Tighearna, eadhon gach duine air a mhac, agus air a bhràthair; a chum as gu'm builich^f e oirbh beannachadh air an là 'n diugh.

30 Agus air an là maireach thubhairt Maois ris an t-sluaigh, Pheacaich sibh peacadh mòr: agus a nis théid mise suas a dh'ionnfuidh an Tighearn, a dh'fheuchainn

^a iolach.
^f gu'm bàrnig.

^b fùdar.

^c lomnochd.

^d doras.

^e a leth-taobh.